

Sentitzea pekatu?

Haritz LARRETA

Herri txikia BIZTANLEZ,
baina isildua,
INOIZ EZ.

Saiatu dira, bai, saiatu:

nahi izan gaituzte **ZANPATU**;
demokraziaren izenean,
URKATU;

barru-barruraino **ZAURITU**,
bortizki zauritu.

Euskaldun izatea,
sentitzea,

pentsatzea,

bizitza,

herria maite izatea

nahi digute **LEPORATU**.

Saiatu dira, bai, saiatu.

Gu mindu arte,

gu hutsaren pare utzi arte,

EZ DIRA GELDITU.

Nola ba!

Izan ere, gu itzaltzea,
gu itzaltzea dute **helburu**.

Hara, eta horiena ez al da **DELITU**?
Jainkorik baldin bada, zuzenduko al **ditu**

Seguru, honek ere ez duela gure esana
ADITU!

Ai ama, hau panorama,
inork ulertzen ote **GAITU?**

Aitzitik, ez gaituzte
LURPERATU,
nahiz eta, etengabe, erasoak,
tamalez aski ohiko zaizkigun erasoak
PAIRATU.

Hona, halaber, herriaren oihartzun mintzoa:
EZ DU, EZ,
egiten salatu zaizkigun zauriak
ZORNATZEN LANIK!
Ederki kosta behar zalo!!!

Esaguzue:

Zer du ba txarrik,
garena izateak?
Herri-maiteak izateak?
Proiektu propio baten alde
borrokatzeak?

Lan jatorra egin
dezakegula
pentsatuz
gozatzeak?
Sentituz
pentsatzeak?

Eta, onik zer?

Bizipoz dugun kultura anderea,

gure arbasoen ondarea,

herri zahar honen adorea,

**BEHIN-BETIRAKO LOKARTU NAHI
IZATEAK?**

EZ, INOIZ EZ,

ez dute inolaz ere **LORTUKO,**

ez dituzte gure eskubideak **UKATUKO,**

gure izaera hain errotua

gona zahar bat bailitzan **URRATUKO.**

Ziur gaude, ziur,

erabat ziur,

eta, jakina, argi dakusagu:

IZAN ZIRELAKO GARELA

ETA

GARELAKO IZANGO DIRELA.

Sortzetik gure jokamolde oro zehaztu duen

herrimina

EZ DUGULA INOLAZ ERE

bidean **GALDUKO,**

itsasorik gaiztoenean ere

ez dela **ITOKO,**

erasorik ankerrenean ere

ez dugula **ETSIKO,**

itxaropen aterik ez dugula

HERTSIKO,

KOSTA ALA KOSTA,

UTZI ALA EZ UTZI,

EUSKALDUN BIZIKO BAIKARA

BETIKO!!!